

暮湖联欢唱和集

蓉湖聯歡唱

和集

賈士毅



蓉湖聯歡唱和集序

吾邑教育。夙著聲譽。而學校數量之衆。尤推江蘇各縣之冠。良以邑人士多熱心興學。而私立學校獨盛之故也。顧城鄉各私立學校。向少集合機會。平日不相過問。隔閼殊多。此固一二有心者。每引以爲憾事也。迨至民十七秋間。始由同人等發起組織無錫私立學校聯合會。用資聯絡情誼。並謀改進私立學校教育。一時翕從者有四十餘校之多。每歲定期召集會議外。尙有聚餐聯歡之舉。羣彥濟濟。一堂把晤。怡怡如也。而啓明中學校長廉君建中。獨嫌聚餐聯歡。僅如過眼煙雲。不足以留永久紀念。於是每屆聚餐。輒自賦詩。遍徵和玉。先後油印。分贈諸同仁。詢足爲私立學校聯合會生輝不少也。癸酉春。不佞抱病在家。廉君貽書告曰。建中於春假內。稍得暇晷。整理書堆。得私立學校同仁聯歡唱和詩若干篇。錄成一厚冊。名作如林。擬付剞劂。公之同好。但例有序言。尙付闕如。我公爲私立學校聯合會第一個發起人。功不可沒。矧夫建中之爲人。及服務教育界過去情形。皆我公深知之。方今古道淪亡。知音稀少。知我愛我者。其惟先生乎。茲聯歡唱和集且出版。我公肯賜一言以光篇幅。豈勝願幸。不佞倚枕覽竟。矍然起曰。私立學校聯合會。沈寂已久。今廉君遽有刊印聯歡唱和詩稿之舉。在諸同仁聞之。能不鼓起熱度。而謀私立學校聯合復興之機乎。復念廉君爲人。中正和平。與人交言而有信。治事之餘。不廢吟詠。每有所作。散見各報。傳誦一時。而其獨力創辦啓明中學。精神專一。不避險阻。十餘年來。艱苦卓絕。成效大著。譽滿梁溪。尤爲難能。於是力疾而樂爲書之。亟付郵以復廉君。其以爲知言否乎。同邑驪山老樵葉錫爵拜撰

題辭 (一)

子惠張文藻無錫

遙遙希憲溯家聲。戒受宜尼樂育宏。難得課餘成雅集。流連觴詠寄閒情。
名園裙屐看聯翩。羨茗譚心共品泉。座有吟壇扛健筆。春花秋月寫年年。
賞心樂事殊難遇。美景良辰那易逢。認取當年鴻雪印。拈毫一一紀萍蹤。
歡聯唱和喜成編。共詠霓裳集衆仙。我愧未工元晏序。小詩弁首寫吟箋。

題辭 (二)

遜叟朱敦良 時年七十有七
奉賢泰日橋

聚朋七六歲三千。僂指平均四十邊。若使人人臻百歲。八千已近大椿年。
天下聞名第二泉。可茶可酒色香兼。新詩不敢高聲讀。口角饒流一尺涎。
啓明學校正招生。吾欲煩君代報名。爲愛梁溪山水

好。賃春廡下也同情。

聯歡豈限校中師。四海皆兄請誦之。夫子倘然邀一哂。不嫌率爾獻巴詞。

題辭 (三)

海帆張樹屏 時年六十有九
六合縣西門

中和堂上綺筵鋪。裙屐聯歡列坐隅。餐到黃花饒至味。咬從白菜出經腴。兩番曲水賓朋聚。一幅梁溪士女圖。風浴詠歸曾點撰。散人端合署蓉湖。

題辭 (四)

子仰鄭翼堂 時年六十有六
江陰青陽體仁學校

聚散何常亦偶然。詩如作畫想當年。衣冠古雅偏簪菊。巾幘溫文細品泉。弟子成材踰七十。神僊大會合三千。春秋佳日聯翩至。廉慶交游肯舍旃。

題辭 (五)

錢海岳無錫

正論昌言四座瘖。一篇長抱古人心。縱橫萬卷詞章富。出入三唐氣味深。自喜名山留盛業。獨欽騷雅有餘音。好乘雪夜清談後。煮酒烹茶學醉吟。

題辭 (六)

病鶴花景福
常熟東殿巷五號

短髮飄蕭烏角巾。有詩有酒未全貧。十年辜負梅園約。(久思游梅園未果)賸把蕪詞寄散人。

酒榼詩筒見性真。年來舊雨半風塵。祇今猶有廉希憲。不惜珊瑚持與人。

題辭 (七)

君冕曾冠章
時年六十有七常熟北市心浜巷口

吾處虞山羨錫山。泉名第二水潺潺。流遺名勝傳隣邑。酒號浮紅見一般。

良緣會合表同心。少長相偕俱賞音。一詠一觴惟永日。好將盛事比山陰。

題辭 (八)

前人

時逢二月值花朝。日麗風和春色饒。勝會同開分次序。莘莘學子喜高標。

堂上紛紛設綺筵。一時團坐奏琴絃。佳肴正好陪佳釀。共道山中第二泉。

蓉湖聯歡唱和集 題辭

門開緩步到公園。春意欣欣花木繁。品酒喜將生日祝。庭前雅好護紅旛。

悲歡離合事何常。攝影留題願不忘。今日獨遺鴻雪爪。何人繼起再登堂。

題辭 (九)

進人張紹先
鹽城大岡鄭同興號

菊花美酒一瓢持。來向中和會友師。羨煞長筵鸛鷺集。興高各賦月明詩。

惠山最好花朝後。相約吟儔拾翠來。小小公園如闕里。諸君儘是不凡才。

題辭 (十)

季和王政謙
安徽合肥鼓樓西大街元和號

中和雅集敞瓊筵。把酒臨風樂自然。話到月明人盡散。歸途賴有細君賢。

仰沾時雨育菁莪。學子莘莘共切磋。一詠一觴誰遣此。人生勝會苦無多。

題辭 (十一)

曷三王庭槐
合肥撮鎮王鴻春號

蓉湖聯歡唱和集 題

四

慧山風景最宜人。我媿諸君把臂臨。滿座傾心占教澤。三春桃李各成陰。
喜有詩篇紀勝遊。已聲吟向友聲求。二泉水味甘如醴。足洗胸中萬斛愁。

題辭

(十二)

一謝方恢鏐 歙縣人寓杭州
泐墅方恆泰號

蘭亭勝會羣賢集。風致飄然廣座中。師表久喪嗟末俗。道綱扶植賴諸公。湖山片席東南美。桃李成陰惠化功。第二名泉君獨踞。經翻茶譜憶盧仝。

題辭

(十三)

前人

公真廉孟子。講學振頽風。桃李三千萃。門牆百尺崇。詩如陳伯子。時號郭林宗。可許親函丈。通儒拜馬融。

題辭

(十四)

清平薛青萍 武進

唱玉聯珠妙譽傳。騷壇馳騁冠羣賢。風前竚待龍山月。穩泛蓉湖雪後船。東閣望。北窗眠。四時清興醉吟邊。夢來一管生花筆。遍向天涯結墨緣。
(思佳客)

十八年歲次己巳孫總理誕辰

參與私立學校教職員聯歡會

歸家途中口占二絕錄奉

諸大吟壇政和

蓉湖廉建中

無錫東新路
啓明中學校

課餘聯誼亦良緣。雅集中和設綺筵。濟濟踰踰多逸趣。蟠桃巧合壽三千。

中和。堂名。係華繹之先生題額。

是日敘餐者共七十六人。男六十九。女七。合計年齡。總數得三千歲。

大白浮紅第二泉。持螯對菊興幽然。杯盤狼籍分途散。醉意滿懷月滿天。

浮紅。酒名。二泉產。

散席後。偕內子歸家。一路明月如晝。

和

(一)

驪山主人葉志清

無錫榮巷
公益學校

蓉湖聯歡唱和集

勝友如雲悟夙緣。爲聯校誼張華筵。精神團結此嚆矢。桃李公門各萬千。

新豐雅集酌名泉。口角春風興盎然。常例何妨從此始。年年買醉菊花天。

和

(二)

滌如蕭

湘無錫城中
江南女學

勝事蘭亭會有緣。朋簪雲合敞瓊筵。羣公雅抱詩篇富。觴詠何妨斗十千。

一例春風列酒泉。黃花紫蟹醉陶然。他年欲續良宵會。記取秋高明月天。

和

(三)

憲成施嘉績

無錫城中
稅務前

雅集中和詢有緣。新交舊友暢開筵。問年已達蟠桃壽。後會春秋合八千。

羨君壯筆過飛泉。梁孟聯吟樂湛然。最好歸途明月夜。新霜時節小春天。

和

(四)

化誠強光治

小競齋主
時客漢口

五

蓉湖聯歡唱和集

六

杯酒聯歡澄夙緣。一堂雅集敞瓊筵。問誰門外春風煖。桃李成陰樹百千。

醉餘相約品山泉。聯步龍峯興浩然。卿月相隨歸未晚。文星耿耿耀中天。（廉兄偕其夫人同歸一路月明如晝）

歡聯杯酒舊因緣。得意春風敞四筵。誰比孔牆高數仞。及門弟子有三千。

高談驚座寫言泉。紀念中山暫默然。剛是浮紅酒初熟。梅花纔放小春天。

和（五）

涵公項 寶
時年七十青浦
初中學校後面

梁溪睽隔渺仙緣。空羨中和玳瑁筵。男女嘉賓七十六。歡娛可有戲秋千。
美酒分嘗產惠泉。聚餐沈醉共欣然。栽培桃李光民族。應慰中山靈在天。

和（六）

墨仙王 訥
濟南商埠樂山
街慈善里宜園

總是三生石上緣。南天翹首望經筵。春來小隱無餘事。美酒蘭陵斗十千。（蘭陵爲山東產酒名品余最喜之）

曾試人間第二泉。惠山茗茗樂陶然。十年前事渾如夢。又是清明谷雨天。（辛亥之春余赴日本考查教育實業歸遇常州主錢琳叔家與胡君復唐駝徐鏡澄莊伯俞蔣竹莊諸友往游蓉湖惠山品茗於第二泉上曾幾何時忽忽二十餘年矣舊遊之地時縈夢寐閱大作爲之神往希便中能寄惠山風景照片爲盼并能示以琳叔諸友近况尤爲忻幸無已更不知近中花舫如何也）

和（七）

蘊伯過丙 烈
無錫
八士橋

歡聚從來有夙緣。最難多士集賓筵。一堂劍珮趨踰後。春意蓬生氣萬千。
樹人培植藉甘泉。把酒商量豈偶然。此日一番新雨化。他年喬木自參天。

和（八）

煥熙吳 楚
湖南衡陽
地方法院

結得儒林翰墨緣。芳園桃李滿瓊筵。消愁同向花間醉。美勝新豐斗十千。

賢聚高陽話酒泉。醉彈錦瑟亦陶然。柳棉飛絮鸞梭織。以剪春風二月天。

和

(九)

如臬趙梅孫 南通石港顧高橋

荊州一識苦無緣。幸得瑤籤列几筵。不是置郵傳命速。隔江徒悵路三千。

頻年守拙遜林泉。忽遇高人豈偶然。寄託親朋蒙教益。三生有幸願堯天。

和

(十)

武進劉穀蓀 號谷僧時年六十有七寓無錫西門外棉花巷

勝友如雲共一緣。得幽閒處且開筵。二泉名酒隨宜飲。何必新豐斗十千。

偶逢慶誕狎林泉。俗慮煩憂盡豁然。正是嶺梅初放候。歸途歌唱碧雲天。

和

(十一)

光甫孔昭謙 浙江溫嶺人時年六十有六寓玉環童人瑞號

得讀佳章亦有緣。訊知歡會設華筵。中和堂上談詩禮。宜說尼山語萬千。

夕陽絢彩映林泉。醉酒編歌豈偶然。况是月明三五夜。嫦娥作伴快遊天。

和

(十二)

聽情童樹民 時年六十有一浙江玉環楚門

一酬一唱亦因緣。翰墨娛情勝酒筵。遠隔同岑幾百輩。詩筒何止路三千。

南湖詩思湧如泉。會集名流樂固然。韻事不妨朝及夕。愛人並步月明天。

和

(十三)

軼塵黃雪蘭女士 無錫城內水獺橋下

擾擾塵中縛萬緣。徵經稿飢置華筵。儲材救國推羣彦。絃誦應教播大千。

登高惟愛在山泉。論到邊愁思黯然。莫倚危峯望南北。蟲沙猿鶴詎關天。

和

(十四)

丹徒楊鴻年 蘇州城內義巷八號

蓉湖聯歡唱和集

八

持螯賞菊有前緣。七六同人坐綺筵。也似蟠桃開盛會。算來年紀合三千。
佳釀原爲第二泉。浮紅飛白樂陶然。惟憐散席歸家候。正是星稀月滿天。

和 (十五)

來安林鐵花
安徽滁州城巖山巷

中和堂上結因緣。七六同人敞玉筵。壽與蟠桃成熟歲。樹頭纍纍實三千。
第二名稱是惠泉。清冷之水色瑩然。遊人嗜有盧仝癖。七碗風生上九天。

和 (十六)

饒嘯園
安徽無爲東門城口六號

中和聯席是良緣。翰墨詩翁暢綺筵。佳氣葱籠添毓秀。同人七六壽三千。
觴飲依依醉酒泉。懷才抱德興幽然。文人妙筆東西散。嘯詠烟霞月滿天。

和 (十七)

鹽城王寅斗
號少雲現寓金壇縣政府

異地苔岑信有緣。飛觴端合廠瓊筵。爲拚一醉招紅友。何惜沾春費十千。
百壺宜縱酒如泉。聚散人生聽自然。總理誕辰都祝罷。旋歸好趁月明天。

和 (十八)

智卿蘇守仁
鹽城南門內丘家巷十三號

遊山我亦有前緣。曾在梅園屢設筵。舊地縈懷清夢繞。江樓處處住家千。
聽松石上飲山泉。古篆摩挲興勃然。更有孟端晴雨竹。指頭造作判人天。

和 (十九)

諸夙明
無錫城中榮氏女學

人生會合却前緣。我獨無端未與筵。堪佩君家多雅想。同文壽算恰三千。
把酒臨窗挹惠泉。孟梁意興更超然。醉來歸去風光好。月照寒空菊後天。

和 (二十)

寒松居士
無錫榮巷公益一校

一堂雅集豈無緣。翦燭猶開翰墨筵。教育新潮重做學。春風何止化三千。

意氣如雲酒似泉。豪談暢飲樂陶然。恭逢國父生辰夜。更愛清光月一天。

和

(二十一)

朱光照 無錫榮巷公益一校

末座忝陪亦有緣。聯歡交誼敞瑯筵。革新教育同聲唱。蓬勃文光徹大千。

卜築龍山傍二泉。餐霞吸露興悠然。平生不作榮華夢。一片冰心照碧天。

和

(二十二)

曉齋末是艸

人生敍合詢天緣。况值同堂列盛筵。私祝今茲聯合會。日求進步路盈千。

十七年來品惠泉。教鞭濫執意悚然。若無借助他山玉。搔首踟躕欲問天。

和

(二十三)

弟姚炯

生平萬事喜隨緣。尤愛團圞不散筵。此次欣逢同志

蓉湖聯唱和集

集。傾杯不覺數盈千。

學理如同井裏泉。研鑽不輟自淵然。諸公在會誠勤勉。金石爲開氣沛天。

和

(二十四)

吳宗三 無錫揚名大潘巷尚德小學校

從來觴詠亦前緣。此日苔岑合肆筵。絕勝山陰修禊會。一杯敬祝壽三千。

就菊開尊酌惠泉。席間把臂醉醺然。談諧我亦東方朔。愧乏新吟步樂天。

和

(二十五)

懷遠王 舒號鳴遷蚌埠考城街

文字聯交信有緣。中和殿裏敞華筵。歸來裙屐皆風雅。明月團團照大千。

開道滁陽有釀泉。泉香酒冽尚依然。二泉更產浮紅酒。客醉詩狂欲上天。

和

(二十六)

本淵沈世德 泰縣南門外沈永泰號

雲團星集證因緣。浪撥浮紅酒滿筵。裙屐當前掄指

九

蓉湖聯歡唱和集

一〇

數。籌添海屋合三千。

香甌茗煮惠山泉。兩腋風生一颺然。酒意乍消歸興動。並肩人踏月明天。

和

(二十七)

興化章永和號致中現寓泰縣劉莊王氏宗祠轉

名士歡聯翰墨緣。忺逢盛典赴華筵。他年此集珍於玉。留取新題說大千。

自尋雲外出山泉。(蘇玉局句)避靜尤娛尚適然。興至題詩消永晝。黃花酒醉夕陽天。

和

(二十八)

竹占黃思賢別號夢園湖北省南漳東關廿二號

把袂言歡亦夙緣。羣賢雅集醉芳筵。商量廣設春風坐。桃李新陰植幾千。

烹茶試罷惠山泉。菊酒同斟自適然。况是逸仙逢嶽降。光輝白日麗青天。

和

(二十九)

劉頌善無錫北城濟陽女學

自來飲啄本前緣。况是羣英敞綺筵。誰是康成誰阿

母。觴飛三百壽三千。

蕤菜鄉心說二泉。君詩讀罷轉淒然。飢驅歌哭天涯道。辜負蓉湖九月天。

和

(三十)

蔭遐何映霞丹徒人寓泰興黃橋丁氏義莊

參與勝會亦前緣。卽席吟詩醉綺筵。領略此中真箇趣。羣僊壽共祝三千。

第一浮紅出二泉。瓊漿飽飲樂陶然。醉中洗盡胸前慮。如入桃源一洞天。

和

(三十一)

鹽城方紹愈號慕韓鹽城岡門鎮紅十字會

萍蹤聚會有前緣。誕日聯歡設盛筵。杯酒縱談今古事。羣英共祝歲三千。

滿堂飲噍酒如泉。既醉高歌一快然。散後月明扶令正。神仙眷屬有情天。

和

(三十二)

朗清胡建秋興化

總理佳辰紀念緣。中和題頌集寶筵。志同道合欣聯

侶。慶祝遺容遍大千。

玉液金波媲醴泉。觥籌交錯樂陶然。幽情暢敘盤桓後。待歇茶煙月一天。

和

(三十三)

弟王勝籌

無錫陳聖楊家莊保滋小學校

(一) 琴樽宴集亦良緣。玉酒頻添醉綺筵。笑說廉公教育盛。盈門桃李過三千。

(二) 宴堂深處品名泉。滿酌高吟盡蹶然。夜半酒餘襟袖冷。月華霜重晚秋天。

和

(三十四)

李振華

人生會合有前緣。文字相磋勝綺筵。道德文章廉孟子。邇遐瞻仰客三千。
足下才思如釀泉。能詩能畫學淵然。聞知梁孟唱隨樂。無日不歌堯舜天。

和

(三十五)

姚詢芻

無錫東新路寧紹小學校

畫堂萍聚本前緣。秋老初醅勝玉筵。藉此切磋情意

蓉湖聯歡唱和集

遠。從知時雨化三千。

毓秀鍾靈推二泉。人文淵藪洵天然。賦詩愧我輸金谷。三徑歸來霜滿天。

和

(三十六)

吉石泉 無錫貝巷陶氏小學

人生何事非前緣。杯酒聯歡敞玳筵。濟濟一堂稱雅敘。年齡爲問恰三千。
旨酒原來第二泉。浮紅泛綠意陶然。如斯盛會逢良夜。正是蟹肥稻熟天。

和

(三十七)

梁溪漁隱拜艸

高賢畢集是良緣。詩酒聯歡宴玉筵。公共研求新教育。栽培桃李各三千。
持螯對菊酌名泉。行令猜拳興盎然。更羨歸途梁孟樂。聯吟步月小春天。

和

(三十八)

顧麗生

賓客龍門會夙緣。靈宵鐵甲虎當筵。中和聯誼真堪羨。星聚軍橫筆陣千。

笑挾飛仙對二泉。翩翩裙屐盡飄然。酒闌月下賦歸去。梁孟詞華別有天。

和

(二十九)

受業
許鎮安拜稿

課餘暢敘實良緣。惜我未能赴此筵。堪比蘭亭稱雅集。持螯對菊客三千。
家風叔度惠山泉。醉後高歌興浩然。人似黃花心似月。東籬隱逸晚秋天。

和

(四十)

惠毓明

課罷聯歡是夙緣。何期巾幗與瓊筵。回家醉倒東籬下。明月黃花映大千。

盛名久著惠山泉。私立學堂愛自然。試看九峯桃李色。繽紛燦爛笑春天。

私立學堂。均有特殊性質。本教職員研究之心得。可儘量發展。非若公立學校。惟主管機關之命令是從。不得自由。謂私立學堂爲自然。不亦可乎。

蓉



和集

湖

聯

歡

唱

華緯之署



庚午花朝後第五日，無錫全

縣私立學校同仁，開聯歡會

於慧山公園惠然堂，口占四

截以誌鴻爪。錄奉

諸大吟壇 政和

蓉湖散人廉建中

風和日麗豔陽天。勝會名園事偶然。閣座商量施化雨。栽培桃李各芬妍。

老翁矍鑠發牢騷。羣羨虞山一俊豪。竭力提倡競賽會。欣看學子門揮毫。

瓊筵敞設惠然堂。佳釀二泉有異香。一詠一觴洵足樂。紅燒白菜味尤長。

宴餘品茗憩荷亭。碧水漣漪石作屏。小影留來聊寄慨。人生聚散似飄萍。

蓉湖聯歡唱和集

和 (二)

榮氏女學諸夙明草

幾翻風信到春天。贏得同人集惠然。堪與名園桃李樹。各將文彩鬥芳妍。

文人無一不牢騷。豈獨姚翁意氣豪。風雅如君更足佩。徵詩兩度託霜毫。

墨客騷人集一堂。慧泉佳釀自生香。醉來笑執生花筆。草就新詩意味長。

攝影端宜就水亭。手攀垂柳傍花屏。者翻留取真容在。免却他年感落萍。

和 (二)

弟溪南散人蕭湘率

度過花朝煙雨天。文星會合各歡然。席間提議幾多事。運動觀摩兩雅妍。

高年猶復發牢騷。結習難忘文字豪。爲恐春光瞬息去。舞雩歸詠看揮毫。

愧吾未上聚星堂。口惠平輸酒甕香。真率會從司馬